



# Սիրիան Շիրազ

## Կամուրջներ են՝ անուրջների վրա

Գարնան կապույտ-հրաշք թռքերի մեջ, աշնան  
Կապույտ հրաշք թռքերի մեջ, ամռան դեռ տաք ու  
փակ օրերի մեջ - ես փնտրում եմ քո  
աչքերը, քո աչքերը, որ նման են փոքրիկ աստվածների, քո  
աչքերը, որ  
օրեր են գարնան, քո աչքերը կամուրջներ են ԵՐԿՆՔԻ  
ՏԱՆ...  
քո աչքերը սիրուն լակոտներ են; Ես ինչ գիտեմ, ինչ եմ քո  
աչքերը...  
քո աչքերը - ծախված պոռնիկներ են, քո աչքերը հարուստ  
աղբատներ են,  
ես ի՞նչ գիտեմ՝ Ի՞ՆՉ են, Ի՞ՆՉ են քո աչքերը:  
Քո աչքե՞րը... քո աչքերը մահանում են  
Գարնան կապույտ - հրաշք թռքերի մեջ,  
Աշնան կապույտ - հրաշք թռքերի մեջ,  
ԳԱԼԻՔ հրաշք ու ՓԱԿ դռների մեջ: